

LAN ISTRIPUAK. Sindikatuak ezbeharren datuak kaleratu ditu, eta Jaurilaritzari neurriak hartzeko eskatu dio

Lanerako bidean zauritu direnen kopurua areagotu dela dio CCOO

Hil diren guztietatik herenek bidean galdu dute bizia urteko lehen zazpi hilabeteetan

Erredakzioa | DONOSTIA

CCOO sindikatuak laguntzeko deia egin dio Jaurilaritzari, lanerako bidean istripua izaten duten langileen kopurua areagotu egin delako aurrean. Bidean bizia galdu dutenak, gainera, hil diren guztien herenak dira. Sindikatuak aditzera eman duenez, «lantegi eta etxeen arteko urruntasuna, garraio kolektibo eta publikoen desagertze zein gutxitzeak eta gehiegizko lanorduek» dira eragilerik funtsezkoenak.

Nahiz eta etxetik lanerako tartean heriotza kopuruak gora egin, datuen arabera, lantegian bertan gertatzen diren ezbe-

rrak behera egin dute. Hau azaltzeko ere izan du adierazpenik aipatu sindikatuak: «Lantegietan istripuak gutxitu egin dira, batetik, kontrola ezarri delako; baina baita azpikontratua dutenei gertatzen zaizkien istripu guztiak estatistikek kontuan hartzen ez dituztelako ere».

Datu orokorrak mintzagai harturik, iazko lehen zazpi hilabeteetan 68.065 ezbehar jazo ziren EAEn; aurrean, 5091 gehiago. Honela bada, lanerako bidean gertatzen diren ezbeharrek bultzatu dute gorakada hau.

Istripu ez larrien larritasuna

Bestalde, aurrean larriak ez diren 2.074 istripu gehiago egon dira,



CRISTINA BERRAIN / EGUNKARIA

Duela urtebete eskas Iruñeko bost lagun hil ziren Elon, lanetik etxerako bidean.

baina 11 istripu larri gutxiago gertatu dira. Heriotzei begira, oster, iazko kopuru bera mantendu da aurtengo lehen zazpi hilabeteetan ere; hots, 63 langile hil dira EAEn.

Ezbeharrek, haatik, ez dira une jakin bateko ekintzengatik soilik gertatzen, lanbideak egunez egun langileengan sortzen dituen gaitzak ere ezbeharren ispilu izaten baitira. Hala, zazpi

hilabeteotan iaz baino 211 gaitasun gehiago izan dira.

Hori guztia ikusirik, «neurriak hartzeko» eskatu dio CCOO Jaurilaritzari, «enpresa txikietatik hasita, berehalako politika aldaketa baten beharra» dagoe la adieraziz.

Lesakako gizona, azkena

Nafarroako Arantza herriko baserri batean lanean ari zela ero-

ri zen gizona izan da heriotza-aren atzaparrak eraman duen azkena. Francisco Javier Sadaba 51 urteko lesakarra baserri bateko teilatua konpontzen ari zen iragan asteazkenean, oreka galdu, eta bertatik erori zenean. Haren ingurukoek zorabio bat izan zitekeela diote. Azken horrekin 78 pertsona hil dira Hego Euskal Herrian, lan istripuen ondorioz.

LAGURAEAN

UAGNk indarrak batzeko eskatu die Nafarroako upeltegietako ordezkariak

Nafarroako nekazari eta abeltzain taldea (UAGN) herrialde bereko upeltegietako hamar ordezkariarekin bildu zen Oliten (Nafarroa), sektorearen azkenaldiko gorabeheren inguruan jarduteko. Bilera horretan, UAGNk jatorri-izendapena hobetzeko indarrak batu behar lituzketela esan zien. Ordezkariek, aldiz, ekoizpenen kalitatea zaintzen lan itzela egiten dutela adierazi zuten.

Opelek Zaragozan duen lantegiko 7.300 langile, neurri itzelak jasan beharrean

Opel konpainiak Figueruelasen (Zaragoza) duen lantegian lan neurriak hartu ditu, eta atzotik hasita datorren abenduaren 7a arte ez dute lanik egingo bertako 7.300 langileek. Denera, lanik gabeko 20 egun izango dira, eta neurri horretatik salbuetsirik geratu diren bakarrak 57 urte baino gehiago dituztenak eta ordezkari piezen industri nabean lan egiten dutenak dira. Epe horretan soldataren erdia jasoko dute.

Endesa talde elektrikoak 2.800 langile kaleratuko ditu 2003. urtea bitartean

Endesa konpainiak adierazi berri duenez, 2.800 langile kaleratuko ditu datozen bi urteetan Espainian. Arrazoi gisa «gastuak murriztu nahi» izatea azaldu dute. Orotara 15.800 langile ditu enpresa horrek egun, eta 2003. urtea amaitzerako 13.000 izatea du helburu. Endesak, aipatu berregituraketa gauzatzeko, Bruselak onartutako laguntza dauka.

Guigou ministroak ospitale publikoetan 40.000 lanpostu berri iragarri ditu


Elisabeth Guigou Frantziako Enplegu eta Elkartasun ministroak ospitale publikoetan datozen hiru hilabeteetan 40.000 lanpostu berri egongo direla iragarri du. Zenbait sindikatuk, aldiz, gutxienez 50.000 lanpostu eskaini beharko lituzkeela eman zuen aditzera. Ospitale hauetan baliabide eskasia dago aspaldion, eta asteko lanorduak 40tik 35era jaisteko asmoa daukate.

Ford auto ekoizleak langileak kaleratuko ditu mundu osoan dituen lantegietatik

Abuztuaren erdialdean Estatu Batuetako lantegietatik 4.000-5.000 langile kaleratuko zituela azaldu bazuen ere, azkenean «neurri gogoragoak hartu eta langile gehiago kaleratu beharko ditugu», adierazi du enpresak. Antza, munduan sakabanaturik dauzkan hainbat lantegitako langileak izango dira kaltetuak. Bestalde, Ipar Amerikako beste zenbait lantegi iteko asmoa ere baduela adierazi du.


EAK 2002-2004 enplegu egitarauaren agiria eskatu dio Nafarroako Gobernuari

Nafarroako Gobernuak jada kaleratu du zein izango den 2002-2004 urteetarako enplegu egitasmoa. EA alderdiak, aldiz, ez du ulertzen zergatik ez duen oraindik Nafarroako legebiltzarrerara agiritik bidali. «Egitasmoa publikoki azaldu eta legebiltzarrak ez du egitasmoaren inolako arrastorik ere», aldarrikatu du Jose Mari Aierdi EAK legebiltzarkideak.



NEKAZARITZA EKOLOGIKOA ETA KONTSUMO BERDEAREN I EGUNA ETA ERAKUSKETA

2001 Irailaren 2a Igandea
JAUNTSARATS (BASABURUA)



EGITARAUA:

- 9:30.** Nekazaritza Ekologikoa eta Kontsumo Berdearen Erakusketa. Hasierako ekitaldia.
 - 10:00.** Nekazaritza Ekologikoaren Feria irekitzea.
 - 11:30 - 12:30.** Ikustaldi gidatua Berueta. Sagar ekoizpen, sagardo egitea eta zuku ekologikoa.
 - 13:00 - 14:00.** Ikustaldi turistiko gidatua, Oroketan abel hustiro ekologikoa ikusiz.
 - 14:00.** Sari zozketa.
 - 14:30.** Elikagai ekologikoen otordua. **Bazkaria:** entsalada nahasia, zanazuriak eta pikillo piperrak; axuri erre, bazkalostekoa; ogi ekologikoa, ardo eta sagardo ekologikoak; kafea eta orujoa.
- Prezioa: 3.000 pzta.